

四庫全書

史部

欽定四庫全書

大唐開元禮卷三

唐 蕭嵩等 撰

序例下

衣服

齋戒

祈禱

雜制

衣服

凡大裘

以黑羔皮為之

冕無旒金飾玉簪導以組為纓色如其

綬白紗中單革帶玉鈎鐶大帶鹿盧玉具劔火珠鏤

首白玉雙佩玄組雙大綬六采朱鞮赤舄祀天地神祇  
則服之衮冕垂白珠十二旒黹纁充耳玉簪導元衣纁  
裳十二章白紗中單革帶大帶劍玉佩綬鞮與上同舄  
加金飾享廟謁廟及朝遣上將征還飲至踐阼加元服  
納后若元日受朝及臨軒冊拜王公則服之鷩冕服七  
章餘同衮冕有事遠至則服之毳冕服五章餘同鷩冕  
祭海岳則服之絺冕服三章餘同毳冕祭社稷先農  
則服之玄冕服三章餘同絺冕蜡祭百神朝日夕月則

服之通天冕加金博山附蟬十二首施珠翠黑介幘組  
纓翠綉玉犀簪導絳紗袍白紗中單白裙襦絳紗蔽膝  
白假帶方心曲領其革帶劍珮綬與上同白鞵黑舄諸  
祭還及冬至受朝元旦朝會則服之武弁金附蟬平巾  
幘餘同前服講武出征四時蒐狩大射禡類宜社賞祖  
罰社纂嚴則服之弁服十有二璫玉簪導絳紗衣素裳  
革帶白玉雙珮鞶龍小綬白鞵烏皮履朔日受朝則服  
之黑介幘白紗單衣白裙襦革帶素鞵烏皮履拜陵則

服之白紗帽白裙襦白鞵烏皮履視朝聽訟及宴見賓客則服之平巾幘金寶飾導簪冠支皆以玉紫褶白袴玉具裝真珠寶鈿帶靴乘馬則服之翼善冠其常服及白練裙襦通著之若服袴褶則與平巾幘通著之

皇后服首飾花十二樹

小花如大花之數并兩博髻

褱衣素紗中單蔽膝

大帶青衣革帶青襪白玉雙珮元組雙大綬受冊助祭朝會諸大事則服之鞠衣黃羅為表其蔽膝大帶及衣革帶舄並隨衣色餘與褱衣同唯無翟親蠶則服之

鈿釵禮衣十二鈿服通用雜色制與上同加以雙珮小

綬

去馬加履

宴見賓客則服之

皇太子袞冕垂珠

通典亦作垂白珠

九旒青纁充耳犀簪導元

衣纁裳九章白紗中單革帶金鈎觿大帶玉具劍瑜玉

雙珮朱組雙大綬朱韞赤舄侍從祭祀及謁廟加元服

納妃則服之具服遠遊三梁冠加金附蟬九首施珠翠

黑介幘髮纓翠綏犀簪導絳紗袍白紗中單白裙襦白

假帶方心曲領絳紗蔽膝其革帶劍珮與上同白韞黑

烏未冠則雙童髻空頂黑介幘雙玉導加寶飾謁廟還

宮元日冬至朔日入朝釋奠則服之

其朔日入朝通服袴褶五日常朝亦

准此公服遠遊冠

簪導以上並同前

絳紗單衣白裙襦革帶金鈎釧

假帶瑜玉雙珮方心紛鞶囊白鞵烏皮履五日常朝元

日冬至受朝則服之烏紗帽白裙襦白鞵烏皮履視事

及宴見賓客則服之弁服犀簪導組纓玉璫九絳紗衣

素裳革帶鞶囊小綬雙珮白鞵烏皮履朔日及視事則

兼服之平巾幘金飾犀簪導紫褶白袴玉梁珠鈿帶鞵

乘馬則服之進德冠九璫加金飾其常服及白練裙襦  
通著之若服袴褶則與平巾幘通著之

皇太子妃首飾花九樹

小花如大花之  
數并兩博髻

褕翟素紗中單

蔽膝大帶青衣革帶青鞵舄瑜玉雙珮純朱雙大綬受  
冊助祭朝會諸大事則服之鞠衣黃羅為表其蔽膝大  
帶革帶並隨衣色餘與褕衣同唯無翟從蠶則服之鈿  
釵禮衣九鈿服通用雜色制與上同加雙珮小綬去舄  
加履  
宴見賓客則服之



羣官服袞冕垂青珠九旒以組為纓青纁充耳角簪導  
青衣纁裳服九章白紗中單革帶鈎髀大帶金玉飾劍  
山玄玉珮綠綬綬朱鞶赤舄第一品服之

親王  
朱綬

鷩冕

八旒服七章水蒼玉珮紫綬金飾劍餘同袞冕第二品  
服之毳冕七旒服五章水蒼玉珮紫綬金飾劍餘同袞  
冕第三品服之絺冕六旒服三章水蒼玉珮青綬金飾  
劍餘同袞冕第四品服之元冕五旒衣無章裳刺黻一  
章水蒼玉珮黑綬金飾劍餘同袞冕第五品服之爵弁

色同爵無旒無章元纓簪導青衣纁裳白紗中單革帶  
鈎釧大帶爵韠韍赤履九品以上服之凡冕服及爵弁  
服助祭及親迎則服之若私家祭祀三品已上及褒聖  
侯祭孔宣父服玄冕五品已上服爵弁六品已下服進賢  
冠遠遊冠三梁黑幘青綾凡文官皆青綾諸王服之親王即  
加金附蟬進賢冠三品已上三梁五品已上兩梁九品  
已上一梁三公太子三師三少五等爵尚書省秘書省  
諸寺監太子詹事府三寺及散官親王傅友文學若諸

州縣關津岳瀆等流內九品已上服之武弁平巾幘武  
官及中書門下省殿中省內侍省諸衛及太子諸坊諸  
率府及鎮戍流內九品已上服之若侍中中書令左右  
散騎常侍則加貂蟬侍左者左珥侍右者右珥 法冠  
一名獬豸冠一角為獬豸之形御史大夫已下監察御  
史已上服之高山冠內侍省內謁者監內謁者服之却  
非冠亭長門僕服之凡應冠而未冠者並雙童髻空頂  
幘五品已上雙玉導金飾三品已上加寶飾六品已下

無飾 朝服亦名具服冠幘纓簪導絳紗單衣白紗  
中單白裙襦革帶鈎觿假帶曲領方心絳紗蔽膝鞮  
舄劍雙綬一品已下五品已上陪祭朝享拜表大  
事則服之六品已下去劍珮綬餘並同 公服亦  
名從省服冠幘纓簪導絳紗單衣白裙襦赤裙衫  
革帶鈎觿假帶方心鞮履紛擎囊雙珮一品已下  
五品已上朔望朝謁見東宮則服之其六品已下  
去紛擎囊雙珮餘並同若致仕官以理去官被召

謁見皆服前冠從省服 弁服弁以鹿皮為之通用

烏紗牙簪導

五品以上通用犀

纓玉璫朱衣素裳革帶鞶

囊小綬雙珮白鞵烏皮履

一品九璫二品八璫三品七璫四品六璫五品

五璫六品以下去璫及鞶囊綬珮

文官職事九品已上尋常公事服

之泥雨則通著常服平巾幘簪導

五品已上通用犀六品已下通用角

冠支皆金飾

五品已上通用玉

紫褶

五品已上緋褶七品已上綠褶九品已上碧褶

並白大口袴起梁帶

三品已上玉梁寶鈿五品已上金梁寶鈿六品已上金飾隱起

烏

皮靴武官及衛官尋常公事服之文官乘馬又通服之

武官陪位大仗加騰蛇襖襠 進德冠五品以上附山雲

璫數准弁以金飾梁及花靴三品以上加金絡内外百

官文武九品已上十月以後二月已前常服及白練裙

襦通著之五品已上行六品已下冠去璫珠若服袴褶

非陪位大仗則與平巾幘者通著

袴褶五品已上通用細綾及羅六品已下

服小綾 凡典謁武弁絳公服學生黑介幘青襟服齋郎介

幘絳襦服自外品子等皆平巾幘緋衫大口袴朝集從

事則服之若外官拜表受制皆朝服凡職事官三品已

上有公爵者嫡子婚聽假以四品冕服若五品以下子孫九品以上子及五等爵皆聽假以爵弁服若庶人婚聽假以絳公服若刻漏生漏童服青袴褶總角之服

內外命婦花釵

施兩博鬢寶釵飾一品九樹二品八樹三品七樹四品六樹五品五樹寶釵准

花翟衣青質

羅為之繡為翟編次於衣及裳一品翟九等二品八等三品七等四品六等五品五

等並素紗中單蔽膝大帶以青衣革帶青鞵舄珮綬內

命婦受冊從蠶朝會則服之其外命婦嫁及受冊從蠶

大朝會亦准此

鈿釵

一品九鈿二品八鈿三品七鈿四品六鈿五品五鈿

禮衣通

用雜色制與上同加雙珮小綬內命婦尋常參見外命婦朝參辭見及禮會則服之六尚寶林御女采女及女官等服禮衣通用雜色制與上同唯無首飾珮綬七品

已上有大事則服之尋常供奉則公服

公服去中單蔽膝大帶

九

品已上大事及尋常供奉並公服東宮准此女史則半袖裙襦凡公主王妃珮綬同諸郡縣主內命婦各准品服外命婦各從夫及子而加邑號者亦准此品

花釵

覆笄

而已并兩博鬢裝以金銀雜寶飾

大袖連裳青質素紗中單蔽膝大帶



以青革帶鞢履六品已下九品已上妻及九品已上女

嫁則服之

花釵

以金銀塗  
琉璃等飾

連裳青質以青衣革帶鞢

履庶人女嫁則服之凡百官女嫁聽服母服廟見本生

蔭高者准兄弟凡王公已下及婦人服飾等級上得兼

下下不得僭上

### 齋戒

凡大祀齋官皆祀前七日平明集尚書省受誓戒其致齋日三公於都省安置所司鋪舍其餘官皇城內有本

司者致齋於本司無本司者於太常郊社太廟齋坊安置皆日出前到齋所至祀前一日各從齋所晝漏上水三刻向祀所仍令平明清所行之路道次不得見諸凶穢縗經過訖任行其哭泣之聲聞於祭所者權斷訖事凡大祀散齋四日致齋三日中祀散齋三日致齋二日小祀散齋二日致齋一日若散齋之日晝理事如舊夜宿止于家正寢不得弔喪問疾不判署刑殺文書不決罰罪人不作樂不預穢惡之事致齋唯祀事得行其餘悉

斷非應散齋致齋者唯清齋一宿於本司及祠所凡散齋有大功已上喪致齋有周以上喪並聽赴即居總麻已上喪者不得預宗廟之事其在齋坊病者聽還若死于齋所同房不得行事凡大祀中祀接神齋官前一日皆沐浴九品以上皆官給明衣齋郎升壇行事亦權給潔服凡齋官皆須行禮臨時闕者通攝行事致齋之日先不食公糧及無本司者太官准品給食其於本司致齋祀前一日赴祀所及祈告一日清齋者設食如之

祈禱

凡京都孟夏已後旱則祈岳鎮海瀆及諸山川能興雲  
雨者於北郊望而告之又祈社稷又祈宗廟每七日一  
祈不雨還從岳瀆如初旱甚則修雩秋分已後不雩初  
祈後一旬不雨即徙市禁屠殺斷織扇造土龍雨足則  
報祀祈用酒脯醢報用常祀皆有司行事已齋未祈而  
雨及所經者皆報祀凡州縣旱則祈雨先社稷又祈界  
內山川能興雲雨者餘准京都例若岳鎮海瀆州則刺

史上佐行事其餘山川判司行事縣則令丞行事祈用  
酒脯醢報以少牢凡霖雨不已崇京城諸門門別三日  
每日一崇不止乃祈山川岳鎮海瀆三日不止祈社稷  
宗廟若州縣崇城門祀界內山川及社稷三崇一祈皆  
准京都例並用酒脯醢國城門報用少牢州縣城門用  
特牲

雜制

皇帝天子

庚夏通稱

陛下

對揚咫尺上表通稱之

至尊

臣下內外通稱之

乘輿

服御  
所稱

車駕

行幸所稱赴車駕  
所曰赴行在所

皇太子以下率土之內於

皇帝皆稱臣皇后以下率土之內於皇帝太皇太后皆  
稱妾六宮以下率土婦人於皇后同稱妾百官上疏於  
太皇太后皇太后皇后稱殿下自稱皆曰臣百官及東  
宮官對皇太子皆曰殿下百官自稱名宮官自稱臣凡  
京文武官一品以下九品以上朔望日朝五品以上及  
供奉官員外郎監察御史每日叅昭文崇文國子生及  
諸縣令每季叅若雨雪服失容及泥濘並停凡車駕巡

幸每月朔兩京文武官職事五品以上表叅起居州界  
去行所在三百里內者刺史遣使起居若車駕從比州  
及州境過刺史朝見巡幸還去京三百里內刺史遣使  
起居皇太子欲行未發前一日在京文武官職事五品  
以上詣宮奉辭還日明朝詣宮奉叅凡京文武職事五  
品已上假使者去皆奉辭還皆奉見六品以下奉勅差  
使亦如之凡踐祚加元服冊皇后皇太子及元日并巡  
狩親征封禪拜郊及諸大禮諸州刺史都督及京官五

品以上在外者並奉表疏賀禮部為奏每年二時遣三公分行諸陵太常卿為副太陽虧有司預奏其日置五鼓五兵于太社皇帝不視事凡百官各守本司不理務過時乃罷月蝕則擊鼓于所司救之五岳四瀆崩竭皇帝本服大功已上親及外祖父母皇后父母百官一品喪皇帝皆不視事三日國忌日皇帝本服小功總麻親百官五品以上喪皇帝皆不視事一日祥瑞依圖書合大瑞者隨列表奏百官詣闕上表奉賀告廟放下自



外諸瑞並申所司元日以聞凡版位皇帝位方一尺二寸厚三寸題云皇帝位皇太子方九寸厚二寸題云皇太子位百官一品已下方七寸厚一寸半題云某品位凡藉田所收九穀納於神倉以擬粢盛及五齊三酒有餘藁秸供飼犧牲凡大祀養牲在滌九旬中祀三旬小祀一旬其牲方色難備者任以純色代之大小依禮告祈之牲不養凡祭祀犧牲不得捶扑損傷死則埋之有瘡病者與替凡祭器祭服有破敝不任滌理者與替訖

器則埋之服則燒之凡祭天神皆焚柴祭地祇皆瘞埋  
祭山皆度懸祭川皆沉浮皆以祀祭訖乃焚埋之若埋  
訖皆令所在官司差人守當六十日止若埋幣者以火  
稍焚破者則不守凡祭事訖均胙肉則貴者不重賤者  
不虛謂貴者取貴骨賤者取賤骨

前貴于後  
上貴于下

凡天地郊

祀及太廟祝版欲至享祭日所司准程預進版取署令  
人送往若臨時卒急並令附驛其版仍令預支一年所  
用數若署版以後祭官有故即削除題所替行事人凡

五陵皆朔望上食歲冬至寒食日各設一日祭如節祭共朔望日忌日相逢依節祭料若橋陵除此日外每日進半口羊食凡園丘五郊諸壇等差側近人等守當凡王公已下郊廟合祭若臨時遇雨霑服失容即以常服從事若已行事遇雨即不脫祭服凡立春前兩京及諸州縣門外並造土牛耕人各隨方色凡季冬晦行儺大內六隊東宮二隊凡文武官三品已下拜正一品東宮官拜三師四品已下拜三少自餘內外屬官於本司四

品拜二品五品拜三品六品拜四品七品拜五品八品  
拜六品九品拜七品衛判曹拜長史局署丞拜令助教  
拜博士諸州別駕長史鎮將縣令拜刺史縣丞拜縣令  
其准品應致敬而非相統屬則不拜凡致敬者若非連  
屬應敬之官相見或貴賤懸隔或有長幼親戚者任隨

私禮凡文武官二品已上祠四廟五品已上祠三廟三

品已上不須兼爵四廟外  
有始封祖者通祠五廟

牲皆用少牢六品已下達於庶

人祭祖禩于正寢用特牲

縱祖父官有高下皆用子孫牲

凡行路巷街

賤避貴少避老輕避重去避來凡百官身亡者三品已上稱薨五品已上稱卒六品以下達于庶人稱死凡百官墓葬田一品方九十步墳高一丈八尺二品方八十步墳高一丈六尺三品方七十步墳高一丈四尺四品方六十步墳高一丈二尺五品方五十步墳高一丈六品已下方二十步墳不得過八尺其域及四隅四品已上築闕五品已上立土堠餘皆封塋而已凡立碑五品已上螭首龜趺高不得過九尺七品已上立碣圭首


方趺上高四尺其石獸等三品已上六事五品已上四  
事凡四品已上用方相七品已上用魼頭五品已上素  
竿九尺六品已下長五尺凡明器三品已上不得過九  
十事五品已上六十事九品已上四十事四神駝馬及  
人不得過一尺餘音樂鹵簿等不過七寸三品已上帳  
高六尺方五尺女子等不過三十人長八寸園宅方五  
尺奴婢等不過二十人長四寸五品已上帳高五尺五  
寸方四尺五寸音樂僕從二十五人長七寸五分園宅

方四尺奴婢等十六人長三寸六品已下帳高五尺方四尺音樂僕從二十人長七寸園宅方三尺奴婢十二人長二寸若三品已上優厚料則有三果帳蚊幃帳婦人洗梳帳並准此凡斬衰三年齊衰三年者並解官齊衰杖周及為人後者為其父母若庶子為其母亦解官申其心喪皆為生已者若嫡繼慈改嫁或歸宗三年已上斷絕者及父為長子夫為妻並不解官假同齊衰周凡齊衰周給假三十日癸五日除服三日齊衰三月五月

大功九月並給二十日葬三日除服二日小功五月給  
假十五日葬二日除服一日總麻三月給假七日出降  
者三日葬及除服各一日無服之殤本品周已上給假  
五日大功三日小功二日總麻一日若聞喪舉哀其假  
三分減一師經受業者喪給假三日冠給假三日婚給  
假九日除程周親婚給假五日大功三日小功一日周  
已下百里內除程凡私忌日給假一日忌前之夕聽還  
凡内外官三年一給定省假三十日五年一給拜墓假



十五日並除程凡遭喪被起者以服內忌日給假三日  
大小祥各七日禫五日每月朔望各一日祥禫給程凡  
私家祔廟給五日四時祭給四日



大唐開元禮卷三

欽定四庫全書

史部

大唐開元禮卷四至

七

詳校官編修<sub>臣</sub>曹錫齡

編修<sub>臣</sub>程嘉謨覆勘

總校官編修<sub>臣</sub>王燕緒

校對官中書<sub>臣</sub>陸湘

謄錄監生<sub>臣</sub>董邦本

欽定四庫全書

大唐開元禮卷四

唐 蕭嵩等 撰

吉禮

皇帝冬至祀圜丘

齋戒

陳設

省牲器

鑾駕出宮

奠玉幣

進熟

鑾駕還宮

齋戒

前祀七日平明太尉誓百官於尚書省曰某月某日祀  
昊天上帝於圜丘各揚其職不供其事國有常刑皇帝  
散齋四日於別殿致齋三日其二日於太極殿一日於行  
宮前致齋一日尚舍奉御設御幄於太極殿西序及室  
內俱東向尚舍直長張幃於前楹下致齋之日質明諸  
衛勒所部屯門列仗晝漏上水一刻侍中版奏請中嚴  
諸衛之屬各督其隊入陳於殿庭如常儀通事舍人引

文武五品已上袴褶陪位如式諸侍衛之官各服其器

服諸侍臣並結珮

凡齋者則結珮

俱詣閤奉迎上水二刻侍中版

奏外辦上水三刻皇帝服袞冕結珮乘輿出自西房曲直

華蓋警蹕侍衛如常儀皇帝即御坐東向坐侍臣夾侍如

常一刻頃侍中前跪奏稱侍中臣某言請降就齋室俛伏

興還侍位皇帝降坐入室文武侍臣各還本司直衛者如

常通事舍人分引陪位者以次出凡預祀之官散齋四日

致齋三日

散齋皆於正寢致齋二日於本司一日於祀所其無本司則皆於祀所

近侍之官

應從升者及從祀羣官諸方客使各於本司及公館清齋

一日

無本司者各於正寢

散齋理事如舊不弔喪問疾不作樂不判

署刑殺文書不行刑不預穢惡致齋唯祀事得行其餘悉

斷其祀官已齋而闕者通攝行事諸祀官致齋之日給酒

食及明衣各習禮於齋所光祿卿監取明水火

太官令取水於陰鑿取火

於陽燧火以供爨水以實尊

前祀二日太尉告高祖神堯皇帝廟如常

告之儀

告以配神坐主

前祀一日諸衛令其屬未後一刻各以其

方器服守衛壘門

每門二人每隅一人

與大樂工人俱清齋一宿

陳設

前祀三日尚舍直長施大次于外壝東門之內道北南向尚舍奉御鋪御座衛尉設文武侍臣次於大次之前文官在左武官在右俱相向設諸祀官次於東壝之外道南從祀文官九品已上於祀官之東東方南方朝集使於文官之東東方南方蕃客又於其東俱重行每等異位北向西上介公薊公於西壝之外道南武官九品已上于介公薊公之西西方北方朝集使于武官之西

西方北方蕃客又于其西俱重行每等異位北向東上

其褒聖侯若在朝位於文官三品之下

陳設饌幔於內壝東門西門之外

道北南向南門北門之外道東西向

壇上及東方午陛之東饌陳于東門

外西方及南方午陛之西饌陳于西門外北方之饌陳于北門外

前祀二日太樂令設

宮懸之樂於壇南內壝之外東方西方磬簾起北鐘簾

次之南方北方磬簾起西鐘簾次之設十二鐃鐘於編

懸之間各依辰位樹雷鼓於北懸之內道之左右植建

鼓於四隅置祝敔於懸內

祝在左敔在右

設歌鐘歌磬于壇上



近南北向磬簾在西鐘簾在東其匏竹者立于壇下重

行北向相對為首

凡懸皆展而編之

諸工人各位於懸後東方西

方以北為上南方北方以西為上右校掃除壇之内外

郊社令積柴於燎壇

其壇于神壇之景地內壝之外景通典作壬案景即丙字唐諱丙丙

南方壬北方未知誰屬也

方一丈高一丈二尺開上南出戶方六尺

前祀一日奉禮設御位於壇之東南西向設望燎位當

柴壇之北南向設祀官公卿位於內壝東門之外道南

分獻之官于公卿之南執事者位於其後每等異位俱

重行西向北上設御史位于壇下一位於東南西向一位於西南東向設奉禮位於樂懸東北贊者二人在南差退俱西向又設奉禮贊者位于燎壇東北西向皆北上設協律郎位于壇上南陛之西東向設太樂令位于北懸之間當壇北向設從祀文官九品已上位於執事之南東方西方朝集使於文官之南東方南方蕃客又於其南俱每等異位重行西向北上介公鄩公位中壝西門之內道南武官九品已上位于介公鄩公之南西

方北方朝集使于武官之南西方北方蕃客又於其南

俱毋等異位重行東向北上

其棄聖侯於文官三品之下諸州使人各分方位于

朝集使之後

又設祀官及從祀羣官等門外位于東西墻門

之外如設次之式設牲牐于東墻之外當門西向蒼牲

一居前又蒼牲一又青牲一在北少退南上次赤牲一

次黃牲一白牲一元牲一又赤牲一白牲一在南皆少

退以北為上又設廩犧令位于牲西南史陪其後俱北

向設諸太祝位於牲東各當牲後祝史陪其後俱西向

設太常卿位省牲位於牲前近北又設御史位於太常卿之西俱南向設酒樽之位上帝太樽二著樽二犧樽二山罍二在壇上東南隅北向象樽二壺樽二山罍四在壇下南陛之東北向俱西上設配帝著樽二犧樽二象樽二山罍二在壇上於上帝酒樽之東北向西上五帝日月各太樽二在第一等內官每陛間各象樽二在第二等中官每陛間各壺樽二在第三等外官每道間各概樽二於壇下衆星每道間各散樽二於內壝之外

凡樽各設于神座之左而右向

樽皆如勺，罍五帝日月以上皆有站以置爵。

設御洗於午陛東南，亞獻終獻同洗於卯陛之南，俱北

向。罍水在洗東，篚在洗西南。

肆篚實以中爵。

設分獻罍洗篚

罍各於其方陛道左，俱内向。執樽罍篚罍者各于樽罍

篚罍之後，設玉幣之篚于壇上下樽站之所，祀前一日

晡，後太史令郊社令各常服帥其屬升設昊天上帝神

座于壇上，北方南向。席以藁秸，設高祖神堯皇帝神

座于東方，西向。席以莞，設五方帝日月神座於壇第一

等青帝于東陞之北赤帝於南陞之東黃帝于南陞之西白帝于西陞之南黑帝于北陞之西大明于東陞之南夜明于西陞之北席皆以藁秸又設五星十二辰河漢及內官五十五座於第二等十有二陞之間各依方面凡席皆內向其內官有北辰座於東陞之北曜魄寶於北陞之西北斗於南陞之東天乙太乙皆在北斗之東五帝內座於曜魄寶之東並差在行位前又設二十八宿及中官一百五十九座于第三等其二十八宿及

帝座七公日星帝席太角攝提太微太子明堂軒轅三  
台五車諸王月星織女建星天紀等一十七座並差在  
行位前又設外官一百五座于內壝之內又設衆星官  
星三百六十座於內壝之外各依方次十有二道之間  
席皆以莞設神位各于坐首所司陳異寶及嘉瑞等于  
樂懸之北東西廂

昊天上帝及配帝五帝日月之座設訖却收至祀日未明五刻郊社令各

服其服升壇重設之其內官中官外官衆星等諸坐一設定不收也

### 省牲器

省牲之日午後十刻去壇二百步所諸衛之屬禁斷行

人晡後二刻郊社令丞帥府史三人及齋郎以樽坩壘

洗篚羃入設于位

凡升壇者各由其陞

晡後三刻謁者贊引各引

祀官公卿已下俱就東墻門外位諸太祝與廩犧令以

牲就勝位謁者引司空贊引引御史入詣壇東陞升行

掃除於上樂懸于下訖出還本位初司空將升又謁者

引太常卿贊引引御史入詣壇東陞升視滌濯

於視濯溉執尊

者皆舉羃告潔

訖引降就省牲位南向立廩犧令少前曰請省



牲退復位太常卿省牲廩犧令又北面舉手曰臚還本  
位諸太祝各循牲一匝西向舉手曰充俱還本位諸太  
祝廩犧令以次牽牲詣厨授太官謁者引光祿卿詣厨  
省鼎鑊申視濯漑謁者贊引各引祀官御史詣厨省饌  
具訖俱還齋所祀日未明十五刻太官令帥宰人以鸞刀  
割牲祝史以豆取毛血各置於饌所遂烹牲

鑾駕出宮

前出宮三日本司宣攝內外各供其職尚舍設行宮于

壇東南向隨地之宜守宮設從祀官五品以上次於朝堂如常儀前二日太樂令設宮懸之樂於殿庭如常儀駕出懸而不作其日晝漏上水五刻鑾駕發前七刻搥一鼓為

一嚴

三嚴時節前一  
日侍中奏裁也

侍中奏開宮殿門及城門未明五

刻搥二鼓為再嚴侍中版奏請中嚴奉禮郎設從祀羣官五品已上位文官於東朝堂之前西向武官於西朝堂之前東向俱重行北上鄼公介公位於武官北東向從祀羣官五品已上依時刻俱集朝堂次各服其服所

司陳大駕鹵簿於朝堂發前二刻搥三鼓為三嚴諸衛之屬各督其隊與鉞戟以次入陳於殿庭通事舍人引從祀羣官各就朝堂前位諸侍衛之官各服其器服侍中中書令以下皆詣西階奉迎

侍中負寶如式

乘黃令進玉輅

於太極殿西階之前南向千牛將軍一人執長刀於輅前北向黃門侍郎一人在侍臣之前贊者二人又在黃門之前侍中版奏外辦太僕卿攝衣而升正立執轡皇帝服袞冕乘輿以出降自西階稱警蹕如常儀千牛將

軍前執轡皇帝升輅太僕卿立授綏侍中中書令以下夾侍如常黃門侍郎進當鑾駕前跪奏稱黃門侍郎臣

某言請鑾駕進發俛伏興退復位

凡黃門侍郎奏請皆進鑾駕前跪奏稱某

官臣某言訖俛伏興

鑾駕動又稱警蹕黃門侍郎與贊者夾引以

出千牛將軍夾輅而趨駕出承天門至侍臣上馬所黃門侍郎奏稱請鑾駕權停勅侍臣上馬侍中前承制退稱制曰可黃門侍郎退稱侍臣上馬贊者承傳文武侍臣皆上馬諸侍衛之官各督其屬左右翊駕在黃麾內

符寶郎奉六寶與殿中監後部從在黃鉞內侍中中書令以下夾侍於輅前贊者在供奉官人內侍臣上馬畢黃門侍郎奏稱請勅車右升侍中前承制退稱制曰可黃門侍郎退復位千牛將軍升訖黃門侍郎奏稱請鑾駕進發退復位鑾駕動稱警蹕鼓傳音如常不鳴鼓吹不得諠譁其從祀官在元武隊後如常儀駕將至諸祀官俱朝服結珮謁者引立於次前重行北向西上駕至行宮南門外迴輅南向將軍降立於輅右侍中進當鑾

駕前跪奏稱侍中臣某言請降輅俛伏興還侍位皇帝  
降輅乘輿入行宮繖扇華蓋侍衛警蹕如常儀宿衛如  
式謁者贊引各引祀官通事舍人分引文武羣官集行  
宮朝堂文左武右舍人承旨勅羣官等各還次

奠玉帛

祀日未明三刻諸祀官及從祀之官各服其服郊社令  
良醞令各帥其屬入實樽罋玉幣

凡六樽之次太樽為上實以汎齊著尊次

之實以醴齊犧尊次之實以盎齊象尊次之實以醴齊  
壺尊次之實以汎齊山罋為下實以清酒配帝著尊為

上實以汎齊犧尊次之實以醴齊象尊次之實以盎齊  
山罍為下實以清酒五帝日月俱以太尊實以汎齊其  
內官之象尊實以醴齊中官之犧尊實以盎齊外官之  
概尊實以清酒衆星之散尊實以清酒齊皆加明水酒  
皆加玄酒各實于上尊玉上帝以蒼璧青帝以青珪赤帝以  
赤璋白帝以駒虞黑帝以玄璜黃帝以黃琮日月以珪璧昊  
天上帝及配帝之幣以蒼五天帝日月  
內官以下各從方色各長一丈八尺 太祝以玉幣置於

篚太官令帥進饌者實諸籩豆簠簋等各設于饌慢內

未明二刻奉禮帥贊者先入就位贊引引御史博士諸

太祝及令史祝史與執尊罍篚幕者入自東門當壇南

重行北面西上立定奉禮曰再拜贊者承傳

凡奉禮有  
詞贊者皆

承御史以下皆再拜訖執尊罍籩簋者各就位贊引引御史諸太祝詣壇東陞御史一人太祝二人升行掃除於上及第一等御史一人太祝七人升行掃除于下訖各引就位未明一刻謁者贊引各引祀官及從祀羣官客使等俱就門外位太樂令帥工人二舞次入就位文舞入陳于懸內武舞立于懸南道西其升壇坐者皆脫履於下降納如常謁者引司空入就位立定奉禮曰再拜司空再拜訖謁者引司空詣壇東陞升行掃除於上降行樂懸於下訖引復位謁者贊



者各引祀官及從祀羣官客使等次入就位初未明三

刻諸衛列大駕仗衛陳設如式侍中版奏請中嚴乘黃

令進玉輅于行宮南門外迴輅南向

若行宮去壇稍遠嚴警如式

未

明一刻侍中版奏外辦皇帝服袞冕乘輿以出繖扇華

蓋侍衛如常儀

侍中負寶陪從如式

皇帝升輅如初黃門侍郎奏

請鑾駕進發還侍位鑾駕動稱警蹕如常千牛將軍夾

輅而趨

若行宮去壇稍遠奏升輅如式

駕至大次外迴輅南向

若將軍升輅即

降立於輅左

侍中進當鑾駕前奏侍中臣某言請降輅俛伏

興還侍位皇帝降輅乘輿之大次繖扇華蓋侍衛如常  
儀郊社令以祝版進御署訖近臣奉出郊社令受各奠  
於圯皇帝停大次半頃通事舍人各引從祀文武羣官  
介公鄴公諸方客使皆先入就位太常博士引太常卿  
立于大次門外當門北向侍中版奏外辦質明皇帝改  
服大裘而冕出次華蓋侍衛如常儀侍中負寶博士引  
太常卿太常卿引皇帝凡太常卿前導皆博士先引至中壝門外殿  
中監進大圭尚衣奉御又以鎮圭授殿中監殿中監受

進皇帝搢大圭執鎮圭華蓋仗衛停于門外禮部尚書

與近侍者陪從如常儀

大圭如搢不便請預定近侍承捧

皇帝至版位

西向立

每立定太常卿與博士退立于左

太常卿前奏稱請再拜退復

位皇帝再拜奉禮曰衆官再拜衆官在位者皆再拜

其先

拜者不拜

太常卿前奏有司謹具請行事退復位協律郎跪

俛伏興舉麾

凡取物者皆跪伏而取以興奠物則跪奠俛伏訖而後退

鼓祝奏豫和

之樂乃以圜鐘為宮黃鐘為角太簇為徵姑洗為羽作文

舞之舞樂舞六成

圜鐘三奏黃鐘太簇姑洗各一奏

偃麾戛敔樂止

凡樂

皆協律郎舉麾工鼓祝而後作偃麾戛鼓而後止

太常卿前奏稱請再拜退復

位皇帝再拜奉禮曰衆官再拜衆官在位者皆再拜正

座配座太祝跪取玉幣於篚各立于樽所諸太祝俱取

玉及幣亦各立于尊所太常卿引皇帝太和之樂作

每行皆作太和之樂

皇帝詣壇升自南陛侍中中書令以下及左

右侍衛量人從升

以下皆如之

皇帝升壇北向立樂止正座

太祝加玉于幣以授侍中侍中奉玉幣東向進皇帝搢

鎮圭受玉幣

凡受物者皆搢鎮圭跪奠訖執圭俛伏興

登歌作肅和之樂以

大吕之均太常卿引皇帝進北向跪奠於昊天上帝神  
坐俛伏興太常卿引皇帝少退北面再拜訖太常卿引  
皇帝立于西方東向配坐太祝以幣授侍中侍中受幣  
北向進皇帝受幣太常卿引皇帝進東向跪奠于高祖  
神堯皇帝神座俛伏興太常卿引皇帝少退東向再拜  
訖登歌止太常卿引皇帝樂作皇帝降自南陛還版位  
西向立樂止于皇帝將奠配帝之幣謁者七人各分引  
獻官奉玉幣俱進跪奠于第一等神座餘星座之幣謁

者贊引各引分獻官進幣於首坐餘皆祝史齋郎助奠訖引還復位初衆官拜訖祝史各奉毛血之豆立于門外于登歌止祝史奉毛血入者各由其陞升諸太祝迎取于壇上俱奠于神座前太祝與祝史退立于尊所

進熟

皇帝既升奠玉幣太官令出帥進饌者奉饌各陳于內壝門外謁者引司徒出詣饌所司徒奉昊天上帝之俎初皇帝既至位樂止太官令引饌入俎初入門奏雍和

之樂以黃鐘之均

自後接神之樂皆奏黃鐘

饌各至其陛樂止祝史

俱進跪徹毛血之豆降自東陛以出

上帝之饌升自午陛配帝之饌升自

郊陛青帝之饌升自寅陛赤帝之饌升自巳陛黃帝之饌升自未陛白帝之饌升自酉陛黑帝之饌升自子陛

大明之饌升自辰陛夜明之饌升自戌陛其內官中官諸饌各隨便而升

諸太祝迎引饌于

壇上各設于神座前

籩豆蓋幕先徹乃升簋籩既奠却其蓋于下

設訖謁者

引司徒太官令即進饌者俱降自東陛以出司徒復

位諸太祝各還尊所又進設外官衆星之饌相次而畢

太常引皇帝詣罍洗樂作皇帝至罍洗樂止侍中跪取

匱興沃水又侍中跪取盤興承水皇帝盥手黃門侍郎  
跪取巾于匱興進皇帝悅手訖黃門侍郎跪受巾跪奠  
于匱黃門侍郎又取匏爵于匱興進皇帝受爵侍中酌  
壘水又侍中奉盤皇帝洗爵黃門侍郎又授巾如初皇  
帝拭爵訖侍中奠盤匱黃門侍郎受巾奠于匱皆如常  
太常卿引皇帝樂作皇帝詣壇升自南陛訖樂止謁者  
引司徒升自東陛立于尊所齋郎奉俎從升立于司徒  
之後太常卿引皇帝詣上帝尊所執尊者舉罍侍中贊



酌汎齊訖壽和之樂作

皇帝每酌獻及飲福皆作壽和之樂

太常卿引皇

帝詣昊天上帝神座前北向跪奠爵俛伏興太常卿引  
皇帝少退北向立樂止太祝持版進于神坐之右東向  
跪讀祝文曰維某年歲次月朔日子嗣天子臣某敢昭  
告于昊天上帝大明南至長晷初昇萬物權輿六氣資  
始謹遵彝典慎修禮物敬以玉帛犧齊粢盛庶品備茲  
禋燎祇薦潔誠高祖神堯皇帝配神作主尚饗訖興皇  
帝再拜初讀祝文訖樂作太祝進跪奠版于神座興還尊

所皇帝拜訖樂止太常卿引皇帝詣配帝酒尊所執尊者舉幕侍中取爵於坵進皇帝受爵侍中贊酌汎齊訖樂作太常卿引皇帝進高祖神堯皇帝神座前東向跪奠爵俛伏興太常卿引皇帝少退東向立樂止太祝持版進於神座之左北向跪讀祝文曰維某年歲次月朔日子孝曾孫開元神武皇帝臣某敢昭告于高祖神堯皇帝履長伊始肅事郊禋用致燔祀于昊天上帝伏惟慶流長發德冠思文對越昭升永言配命謹以制幣犧

齊案盛庶品式陳明薦侑神作主尚饗訖興皇帝再拜  
初讀祝文訖樂作太祝進跪奠版于神座興還尊所皇  
帝拜訖樂止太常卿引皇帝進昊天上帝神座前北向  
立樂作太祝各以爵酌上尊福酒合置一爵一太  
祝持爵授侍中侍中受爵西向進皇帝再拜受爵  
跪祭酒啐酒奠爵俛伏興太祝各帥齋郎進俎  
太祝減神前胙肉皆取前脚第三節  
通典作第二骨加于俎以胙肉共  
置一俎上太祝持俎以授司徒司徒奉俎西向進皇帝

受以授左右謁者引司徒降復位皇帝跪取爵遂飲卒  
爵侍中進受虛爵以授太祝太祝受爵復于圜皇帝俛  
伏興再拜樂止太常卿引皇帝樂作皇帝降自南階還  
版位西向立樂止文舞退鼓祝作舒和之樂退訖戛敔  
樂止武舞入鼓祝作舒和之樂立定戛敔樂止初皇帝  
將復位謁者引太尉詣壘洗盥手洗匏爵訖謁者引太  
尉自東陛升壇詣昊天上帝著尊所執尊者舉簾太尉酌  
醴齋訖武舞作謁者引太尉進昊天上帝神坐前北向

跪奠爵興謁者引太尉少退復北向再拜訖謁者引太尉詣  
配帝犧尊所取爵於坫執尊者舉巹太尉酌醴齋訖謁者引  
太尉進高祖神堯皇帝神座前東向跪奠爵興謁者引太尉  
少退東向再拜訖謁者引太尉進昊天上帝神坐前北向立  
諸太祝各以爵酌巹福酒合置一爵一太祝持爵進太尉之  
右西向立太尉再拜受爵跪祭酒遂飲卒爵太祝進受虛  
爵復於坫太尉興再拜訖謁者引太尉降復位初太尉獻將  
畢謁者引光祿卿詣巹洗盥手洗拭匏爵升酌盞齋獻正座

配座終獻如亞獻之儀訖謁者引光祿卿降復位初太尉將升獻謁者七人分引五方帝及大明夜明等獻官詣罍洗盥手洗拭匏爵訖各由其陞升俱酌汎齊訖各進跪奠於神座前興各引降還本位初第一等獻官將升謁者五人次引獻官各詣罍洗盥訖引各由其陞升壇詣第二等內官酒尊所俱酌醴齊各進跪奠爵於內官首座興餘皆祝史齋郎助奠相次而畢謁者各引獻官還本位初第二等獻官將升謁者四人次引獻官俱詣罍洗盥手各由其陞升壇詣第三等中

官酒尊所俱酌清酒沈齊以獻贊引四人次引獻官詣罍洗  
盥洗詣外官酒尊所俱酌清酒以獻贊引四人次引獻官詣  
罍洗盥洗詣外官酒尊所俱酌清酒以獻贊引四人次引獻  
官詣罍洗盥洗詣衆星酒尊所酌旨酒以獻其祝史齋郎  
酌酒助奠皆如內官之儀訖謁者贊引各引獻官還本位諸  
獻俱畢武舞止上下諸祝各進跪徹豆興還尊所徹者還豆  
各一少移  
於故處飲奉禮曰賜胙贊者唱衆官再拜衆官在位者皆再拜  
福者不拜豫和之樂作太常卿前奏稱再拜退復位皇帝再拜奏

禮曰衆官再拜衆官在位者皆再拜樂一成止太常卿前奏  
請就望燎位太常卿引皇帝樂作皇帝就望燎位南向立樂  
止於羣官將拜上下諸祝各執篚進神座前取玉幣祝版  
日月以上齋郎以俎載牲體稷黍飯及爵酒各由其陞降  
壇南行經柴壇西過壇東行自南陞登柴壇以玉幣祝版  
饌物置於柴上戶內諸祝又以内官已下之禮幣皆從燎  
奉禮曰可燎東西面各六人以炬燎火半柴太常卿前奏  
禮畢太常卿引皇帝還大次樂作皇帝出中壝門殿中鹽



前受鎮珪以授尚衣奉御殿中監又前受大圭華蓋  
侍衛如常儀皇帝入次樂止謁者贊引祀官通事舍人  
分引從祀羣官諸方客使以次出贊引引御史太祀以  
下俱復執事位立定奉禮曰再拜御史以下皆再拜贊  
引引出工人二舞以次出

### 鑾駕還宮

皇帝既還大次侍中版奏請解嚴

將士不得  
輒離部伍

皇帝停大

次一刻頃搥一鼓為一嚴轉伏衛于還途如來儀三刻

頃搥二鼓為再嚴將士布隊仗侍中版奏請中嚴皇帝

服通天冠絳紗袍諸祀官朝服

乘馬者服袴褶

五刻頃搥三鼓

為三嚴通事舍人分引羣官客使等序立於大次之前

近南文武侍臣詣大次奉迎乘黃令進金輅於大次門

外南向千牛將軍立于輅右侍中版奏外辦太僕卿升

執轡皇帝乘輿出次繖扇侍衛警蹕如常儀皇帝升輅

太僕卿立授綏黃門侍郎奏稱請鑾駕進發退復位鑾

駕動稱警蹕如常儀黃門侍郎贊者夾引千牛將軍夾

輅而趨至侍臣上馬所黃門侍郎奏稱請鑾駕權停勅  
侍臣上馬侍中前承制退稱制曰可黃門侍郎退稱侍  
臣上馬贊者承傳文武侍臣皆上馬畢黃門侍郎奏稱  
請勅車右升侍中前承制退稱制曰可黃門侍郎復位  
千牛將軍升訖黃門侍郎奏稱請鑾駕進發退復位鼓  
傳音鑾駕動鼓吹振作而還文武羣官導從如來儀諸  
方客使便還館駕至承天門外侍臣下馬所鑾駕權停  
文武侍臣皆下馬千牛將軍降立于輅右訖鑾駕動千

牛將軍夾輅而趨駕入嘉德門太樂令令撞蕤賓之鐘左  
五鐘皆應鼓祝奏采茨之樂至太極門戛敔樂止入太  
極門鼓祝奏太和之樂駕至橫街北當東上閣迴輅南  
向侍中進鑾駕前跪奏稱侍中臣某言請降輅俛伏興  
還侍位皇帝降輅乘輿以入繖扇侍衛警蹕如常儀侍  
臣從至閣戛敔樂止初文武羣官至承天門外通事舍  
人承旨勅羣官並還皇帝既入侍中版奏請解嚴叩鉦  
將士各還其所



大唐開元禮卷四

欽定四庫全書

大唐開元禮卷五

唐 蕭嵩等 撰

吉禮

冬至祀圜丘有司攝事

齋戒

陳設

省牲器

奠玉幣

進熟

齋戒

前祀七日平明太尉誓百官于尚書省曰某月某日祀  
昊天上帝于圜丘各揚其職不供其事國有常刑凡預  
祀之官散齋四日致齋三日

散齋皆於正寢致齋二日於本司一日于祀所其無

本司者則二日于郊社署

散齋理事如舊唯不吊喪問疾不作樂不

判署刑殺文書不行刑罰不預穢惡致齋唯祀事行其  
餘悉斷其祀官已齋而闕者通攝行事諸祀官致齋之  
日給酒食及明衣各習禮於齋所先祿卿監取明水火  
太官令取水于陰鑒取火于陽燧火以供爨水以寶尊也前祀二日太尉告高祖神



堯皇帝廟如常儀

告以配神作主之意

前祀一日諸衛令其屬未

後一刻各以其方器服守衛墻門

每門二人每隅一人

與太樂工

人俱清齋一宿

### 陳設

前祀三日守宮設祀官公卿以下次于東墻之外道南

北向西上設陳饌慢于內墻東門西門之外道北南向

南門北門之外道西東向

壇上及東方南方午陞之東饌陳于東門外西方及南方

午陞之西饌陳于西門外北方之饌陳于北門之外

前祀二日太樂令設宮懸之

樂于壇南中壝之內東方西方磬簾起北鐘簾次之南

方北方磬簾起西鐘簾次之設十二鑄鐘于編懸之間

各依辰位樹雷鼓于北懸之內道之左右植建鼓于四

隅置祝敔于懸內

祝在左  
敔在右

設歌鐘歌磬于壇上近南北

向磬簾在西鐘簾在東其匏竹者立于壇下重行北向

相對為首

凡懸皆展  
而編之

諸工人各位于懸後東方西方以北

為上南方北方以西為上右校掃除壇之内外郊社令

積柴於燎壇方一丈高一丈二尺開上南出戶方六尺

前祀一日奉禮設祀官公卿位于內壝東門之外道南  
分獻之官于公卿之南執事者位于其後每等異位俱  
重行西向北上設望燎位當柴壇之北南向設御史位  
于壇下一位于東南西向一位于西南東向設奉禮位  
于樂懸東北贊者二人在南差退俱西向又設奉禮贊  
者位于燎壇東北西向皆北上設協律郎位于壇上南  
陛之西東向設太樂令位于北懸之間當壇北向又設  
祀官公卿以下門外位皆于東壝之外道南每等異位

重行北面西上設牲牐于東墮之外當門西向蒼牲一

居前又蒼牲一青牲一赤牲一在北皆少退南上黃牲

一白牲二玄牲二

上卷作白牲一玄牲一

在南皆少退北上設廩

犧令位于牲西南祝史陪其後俱北向設諸太祝位于

牲東各當牲後祝史陪其後俱西向設太常卿省牲位

于牲前近北又設御史位于太常卿之西俱南向設酒

尊之位上帝太尊二著尊二犧尊二山罍二在壇上東

南隅北向象尊二壺尊二山罍四在壇下南陛之東北

向俱西上設配帝著尊二犧尊二象尊二山罍二在壇上於上帝酒尊之東北向西上五方帝日月各太尊二在第一等內官每陛間各象尊二在第二等中官每陛間各壺尊二在第三等外官每道間各概尊二于壇下衆星每道間各散尊二于內壝之外凡尊各設于神座之左而右向

尊皆加勺罍五帝日月以上之尊皆有站以置爵內官以下尊皆藉以席設爵于尊下

設洗

于午陛東南北向罍水在洗東篚在洗西南肆設分獻

罍洗篚幕各于其方陛道之左俱內向

篚實以中爵

執尊罍

篚罍者各于尊罍篚罍之後各設玉幣之篚於壇上下  
尊坫之所晡後一刻太史令郊社令各常服帥其屬升  
設昊天上帝神坐于壇上北方南面席以藁秸設高祖  
神堯皇帝神座於東方西向席以莞設五方帝日月神坐  
于壇第一等青帝于東陞之北赤帝于南陞之東黃帝  
于南陞之西白帝于西陞之南黑帝于北陞之西大明  
于東陞之南夜明于西陞之北席皆以藁秸又設五星  
十二辰河漢及內官五十五座于第二等十有二陞

之間各依方面凡座皆內向其內官有北辰坐于東陞  
之北曜魄寶于北陞之西北斗于南陞之東天乙太乙  
皆在北斗之東五帝內座于曜魄寶之東並差在行位  
前又設二十八宿及中官一百五十九座于第三等其  
二十八宿及帝座七公日星帝席太角攝提太微太子  
明堂軒轅三台五車諸王月星織女建星天紀等一  
十七座並差在行位前又設外官一百五座于內  
壇之內又設衆星三百六十座于內壇之外各依

方次十有二道之間席皆以莞設神位各於座首

昊天上帝及配

帝五座日月之坐設訖却收至祀日未明五刻郊社令太史令各服其服升壇重設之其內官中官外官衆星等設定不收也

### 省牲器

省牲之日午後十刻去壇二百步所諸衛之屬禁斷行

人晡後二刻郊社令丞帥府史三人及齋郎以尊坫罍

洗篚罍入設于位

凡陞陞者各由其陞

晡後三刻謁者贊引引祀

官公卿已下俱就東壝門外位諸太祝令與廩犧令以



牲就勝位謁者引司空贊引御史入詣壇東陞升行  
掃除于上降行樂懸於下訖出還本位初司空將升又

謁者引太常卿贊引御史入詣壇東陞升視滌濯

凡導

引者每曲一逡巡于視濯執尊者皆舉幕告潔

訖引降就省牲位南向立廩犧

令少前曰請省牲退復位太常卿省牲廩犧令又前北  
面舉手曰臚還本位諸太祝各循牲一匝西向舉手曰  
充俱還本位諸太祝與廩犧令以次牽牲詣厨授太官  
謁者引光祿卿詣厨省鼎鑊申視濯漑謁者贊引各引

祀官御史詣厨省饌具訖俱還齋所祀日未明十五刻  
太官令帥宰人以鸞刀割牲祝史以豆取毛血各置於  
饌所遂烹牲

奠玉帛

祀日未明三刻諸祀官各服其服郊社令良醞令各帥

其屬入實尊罍玉幣

凡六尊之次太尊為上實以汎齊  
著尊次之實以醴齊犧尊次之實

以盎齊象尊次之實以醍齊壺尊次之實以沈齊山罍  
為下實以清酒配帝著尊為上實以汎齊犧尊次之實  
以醴齊象尊次之實以盎齊山罍為下實以清酒五帝  
日月俱以太尊實以汎齊其內官之象尊實以醴齊

中官之儀尊實以盞齋外官之象尊實以醢齋皆加明  
水酒皆加玄酒各實于上尊禮神之玉昊天上帝以蒼  
璧青帝以青珪赤帝以赤璋黃帝以黃琮白帝以騶  
虞黑帝以玄璜日月以珪璧昊天上帝及配帝之幣以  
蒼五方上帝日月與內官以下之幣皆從方色凡幣皆長一丈八尺太祝以玉幣置于篚

太官令帥進饌者實諸籩豆簋簠等皆設於饌幔內未

明二刻奉禮帥贊者先入就位贊引引御史博士諸太

祝及令史祝史與執尊壘篚罍者入自東門當壇

南重行北面西上立定奉禮曰再拜贊者承傳

凡奉禮有詞贊

者皆承傳御史以下皆再拜訖執尊壘篚罍者各就位贊引

引御史諸太祝詣壇東陞升行掃除於上令史祝史行掃除于下訖引就位未明一刻謁者贊引各引祀官公卿已下俱就門外位太樂令帥工人二舞次入就位文舞入陳于懸內武舞立于懸南道西

其升壇者皆脫屣于下降納如

常謁者引司空入就位立定奉禮曰再拜司空再拜訖

謁者引司空詣壇東陞升行掃除于上降行樂懸于下

引復位謁者贊引各引祀官公卿以下入就位立定奉

禮曰再拜衆官在位者皆再拜

其先拜者不拜

謁者進太尉之

左白有司謹具請行事退復位協律郎跪俛伏舉麾

凡取

物者皆跪俛伏而取以興奠物則跪奠訖俛伏而後興鼓祝奏豫和之樂乃以圜

鐘為宮黃鐘為角太簇為徵姑洗為羽作文舞之舞樂

舞六成

圜鐘三奏黃鐘太簇姑洗各一奏

偃麾戛敔樂止

凡樂皆協律郎舉麾工鼓

祝而後作偃麾戛敔而後止

奉禮曰衆官再拜衆官在位者皆再拜

正座配座太祝跪取玉及幣於篚各立于尊所諸太祝

俱取玉及幣亦各立於尊所謁者引太尉詣壇升自南陛

北向立正座太祝加玉于幣東向授太尉受玉幣

凡授物者

搢笏跪奠訖  
執笏俛伏興

登歌作肅和之樂以大吕之均謁者引太

尉進北面跪奠于昊天上帝神座俛伏興謁者引太尉  
少退北向再拜訖謁者引太尉立于西方東向配座太  
祝以幣北向授太尉太尉受幣謁者引太尉進東向跪  
奠於高祖神堯皇帝神座俛伏興謁者引太尉少退東  
向再拜訖登歌止謁者引太尉自南陞還本位初太尉  
將奠配帝之幣諸太祝及諸星坐獻官各奉玉幣進跪  
奠于神座訖興還尊所初衆官拜訖夜明以上祝史各

奉毛血之豆立於門外登歌止祝史奉毛血入各由其陛升諸太祝迎取於壇上俱進奠於神坐前諸太祝與祝史退立於尊所

進熟

太尉既升奠玉幣太官令出帥饌者奉饌各陳於內壝門外謁者引司徒出詣饌所司徒奉昊天上帝之俎諸太祝既奠毛血太官令引饌入俎初入門奏雍和之樂

自後酌獻皆以奏雍和之樂

黃鐘之均

自後壇下之樂皆奏黃鐘

饌各至其陛樂止祝史俱進跪徹毛

欽定四庫全書

大禮通考卷五

九

血之豆降自東陞以出

上帝之饌升自午陞配帝之饌升自卯陞青帝之饌升自寅陞赤帝

之饌升自巳陞黃帝之饌升自未陞白帝之饌升自酉陞

黑帝之饌升自子陞大明之饌升自辰陞夜明之饌升自

戌陞其內官中官諸饌各隨便而升諸太祝迎引饌於壇上各設於神座前

籩豆盞罍先徹乃升盞

盞既奠却其盞於下也設訖謁者引司徒太官令帥進饌

者俱降自東陞以出司徒復位諸太祝各還尊所又進設

外官衆星之饌相次而畢初壇上設饌訖謁者引太尉詣

壘洗盥手洗拭匏爵訖謁者引太尉升自南陞詣昊天

上帝太尊所執尊者舉罍太尉酌汎齊訖樂作謁者引



太尉進昊天上帝神座前北向跪奠爵俛伏興謁者引  
太尉少退北向立樂止太祝持版進于神座之右東向跪  
讀祝文曰維某年歲次月朔日子嗣天子臣某謹遣太  
尉封某臣名敢昭告于昊天上帝大明南至長暑初升  
萬物權輿六氣資始謹遵彝典慎修禮物敬以玉帛犧  
齊粢盛庶品備茲禋燎祇薦潔誠高祖神堯皇帝配神  
作主尚饗訖興太尉再拜初讀祝文訖樂作太祝進跪  
奠版于神座興還尊所太尉再拜訖樂止謁者引太尉

詣配帝著尊所取爵于坫執尊者舉冪太尉酌汎齊訖  
樂作謁者引太尉進高祖神堯皇帝神座前東向跪奠  
爵俛伏興謁者引太尉少退東向立樂止太祝持版進  
于神坐之左北向跪讀祝文曰維某年歲月朔日子孝  
曾孫開元神武皇帝臣某謹遣太尉封某臣名敢昭告  
于高祖神堯皇帝履長伊始肅事郊禋用致燔祀于昊  
天上帝伏惟慶流長發德冠思文對越昭升永言配  
命謹以制幣犧齊粢盛庶品式陳明薦侑神作主尚饗

訖興太尉再拜初讀祝文訖樂作太祝進跪奠版于神  
座興還尊所太尉拜訖樂止謁者引太尉進昊天上帝  
神座前北向立太祝各以爵酌罍福酒合置一爵一太  
祝持爵進太尉之右西向立太尉再拜受爵跪祭酒啐  
酒奠爵俛伏興太祝各帥齋郎進俎太祝減神坐前胙  
肉皆取前脚第二骨也加于俎以胙肉共置一俎上太祝持俎西  
向授太尉太尉受以授齋郎太尉跪取爵遂飲卒爵太  
祝進受虛爵復于俎太尉俛伏興再拜謁者引太尉降

復位文舞退鼓祝作舒和之樂退訖戛敔樂止武舞入  
鼓祝作舒和之樂立定戛敔樂止初太尉將復位謁者  
引太常卿詣罍洗盥手拭匏爵訖謁者引太常卿自東  
陞升壇詣昊天上帝著尊所執尊者舉幕太常卿酌醴  
齊訖武舞作謁者引太常卿進昊天上帝神坐前北向  
跪奠爵興謁者引太常卿少退北向再拜訖謁者引太  
常卿詣配帝犧尊所取爵于坫執尊者舉幕太常卿酌  
醴齊訖謁者引太常卿進高祖神堯皇帝神坐前東向

跪奠爵興謁者引太常卿少退東向再拜訖謁者五人  
引五方上帝之太祝各詣酒尊所酌醴齊進奠於神座  
前訖還尊所謁者引太常卿進昊天上帝神座前北向  
立太祝各以爵酌罍福酒合置一爵一太祝持爵進太  
常卿之右西向立太常卿再拜受爵跪祭酒遂飲卒爵  
太祝進受虛爵復於坫太常卿興再拜訖謁者引太常  
卿降復位初太常卿獻將畢謁者先引光祿卿詣罍洗  
盥手洗拭匏爵升酌盞齊獻正座配座終獻如亞獻之

儀訖謁者引光祿卿降復位初太常卿將升獻謁者七人分引五方帝及大明夜明等獻官詣罍洗盥洗拭匏爵訖各由其陞升俱酌汎齊訖各進跪奠於神坐前興各引降還本位初第一等獻官將升謁者五人次引獻官各詣罍洗盥手洗訖引各由其陞升壇詣第二等內官酒罇所俱酌醴齊各進跪奠於內官首座興餘座皆祝史齋郎助奠相次而畢謁者各引獻官還本位初第二等獻官將升謁者四人次引俱詣罍洗盥洗各由其

陞升壇詣第三等中官酒尊所俱酌盞齊以獻贊引四  
人次引獻官詣罍洗盥洗詣外官酒尊所俱酌醴齊以  
獻其贊引四人次引獻官詣罍洗詣衆星酒尊所俱酌  
汎齊以獻其祝史齋郎酌酒助奠皆如內官之儀訖謁  
者贊引各引獻官還本位諸獻俱畢武舞止上下諸祝  
各進跪徹豆興還尊所徹者邊豆各一少移故處奉禮曰賜胙贊者  
唱衆官再拜衆官在位者皆再拜樂作一成止謁者進  
太尉之左白請就望燎位謁者引太尉就望燎位南向

立於衆官將拜上下諸祝各執篚進神坐前取玉幣祝  
版日月已上齋郎以俎載牲體稷黍飯及爵酒各由其  
陛降壇南行折而東又南行經柴壇西過壇東行自南  
陛登柴壇以玉帛祝版饌物置於柴上戶內諸太祝獻  
官以內官已下之幣皆從燎奉禮曰可燎東西面各六  
人以炬燎火半柴謁者引前白禮畢謁者引太尉出又  
謁者贊引祀官以次出贊引引御史太祝以下俱復執  
事位立定奉禮曰再拜御史以下皆再拜訖贊引引出



工人二舞以次出凡有司攝事祝版應御署者進御署  
訖皇帝北面再拜侍臣奉版授郊社令受遂奉以出

大唐開元禮卷五

欽定四庫全書

大唐開元禮卷六

唐 蕭嵩等 撰

吉禮

皇帝正月上辛祈穀于圜丘

齋戒

陳設

省牲器

鑾駕出宮

薦玉帛

進熟

鑾駕還宮

齋戒

前祀七日平明太尉誓衆官于尚書省曰正月某日祀  
昊天上帝于圜丘各揚其職不供其事國有常刑皇帝  
散齋四日于別殿致齋三日二日于太極殿一日于行  
宮前致齋一日尚舍奉御設御幄於太極殿西序及室  
內俱東向尚舍直長張帷于前楹下致齋之日質明諸  
衛勒所部屯門列仗晝漏上水一刻侍中版奏請中嚴諸衛  
之屬各督其隊入陳于殿庭如常儀通事舍人引文武

五品已上袴褶陪位如式諸侍衛之官各服其器服諸侍衛臣並結珮俱詣閣奉迎上水二刻侍中版奏外辦上水三刻皇帝服通天冠絳紗袍結珮乘輿出自西房曲直華蓋警蹕侍衛如常儀皇帝即御座東面坐侍臣夾侍如常一刻頃侍中前跪奏稱侍中臣某言請降就齋室俛伏興還侍位皇帝降座入室文武侍臣各還省直衛者如常通事舍人引陪位者以次出凡預祀之官散齋四日致齋三日

散齋皆于正寢致齋二日于本司一日于祀所其無本司者則二日于郊社署

近侍之官應從升者及從祀羣官諸方客使各于祀所

清齋一宿

無本司者各于正寢

散齋理事如舊唯不吊喪問疾不

作樂不判署刑殺文書不行刑罰不預穢惡致齋唯祀

事得行其餘悉禁其祀官已齋而闕者通攝行事諸祀

官致齋之日給酒食及明衣各習禮于齋所光祿卿監

取明水火

太官令取水于陰鑒取火于陽燧火以供爨水以實尊

前祀二日太尉

告高祖神堯皇帝廟如常告之儀

告以配神作主

前祀一日諸

衛令其屬未後一刻各以其方器服守衛壝門

每門二人每隅

一與太樂工人俱清齋一宿

陳設

前祀三日尚舍直長施大次于外壝東門之內道北南向尚舍奉御鋪御座守宮設文武侍臣次于大次之前文官在左武官在右俱南向設諸從祀官次于東壝之外道南從祀文官九品已上於祀官之東東方南方朝集使于文官之東東方南方蕃客又于其東俱重行每等異位北向西上鄴公介公于西壝之外道南武官九

品已上于鄒介公之西西方北方朝集使于武官之  
西西方北方蕃客又于其西俱重行每等異位北向東  
上其褒聖侯若在于文官三品之下陳設饌慢于內墻  
諸州使人分方各于朝集使之後

東門之外道南北向前祀二日太樂令設宮懸之樂于  
壇場南內墻之內東方西方磬簾起北鐘簾次之南方  
北方磬簾起西鐘簾次之設十二鐃鐘于編懸之間各  
依辰位樹雷鼓于北懸之內道之左右植建鼓于四隅  
置祝敔于懸內祝在左敔在右設歌鐘歌磬于壇上近



南北向磬簋在西鐘簋在東其匏竹者立於壇下重行

北向相對為首

凡懸皆展而編之

諸工人各位於懸後東方西

方以北為上南方北方以西為上右校掃除壇之內外

郊社令積柴於燎壇

其壇於樂懸之南外壇之內

方一丈高一丈二

尺開上南出戶方六尺前祀一日奉禮設御位於壇下

之東南西向設望燎位於柴壇之北南向設祀官公卿

位於內壝東門之內道南執事者位於其後每等異位

重行西向北上設御史位於壇下一位於東南西向一

位於西南東向設奉禮位於樂懸之東北贊者二人在南差退俱西向又設奉禮贊者位於燎壇東北西向皆北上設協律郎位於壇上南陛之西東向設太樂令位於北懸之間當壇北向設從祀之官位文官九品已上於執事之南東方南方朝集使於文官之南東方南方蕃客又於其南俱每等異位重行西面北上鄒公介公位於內壝西門之內道南武官九品以上於鄒公介公之南西方北方朝集使於武官之南西方北方蕃客又

於其南俱每等異位重行東面北上

其褒聖侯於文官三品之下諸州使

人分方各位於朝集使之後

又設祀官及從祀羣官等門外位於東

西壝門之外道南皆如設次之式設牲牐於東壝之外

當門西向蒼牲一居前南上又青牲一赤牲一黃牲一

白牲一玄牲一又蒼牲一皆少退設廩犧令位於牲西

南祝史陪其後俱北向設諸太祝位於牲東各當牲後

祝史陪其後俱西向設太常卿省牲位於牲前近北又

設御史位於太常卿之西俱南向設酒尊之位上帝太

尊二著尊二犧尊二山罍二在壇上東南隅北向象尊  
二壺尊二山罍四在壇下南陛之東北向俱西上設配  
帝著尊二犧尊二象尊二山罍二在壇上在上帝酒尊  
之東北向西上五方帝各太尊二著尊二犧尊二山罍  
二在第一等神坐之左而右向尊皆加勺罍有姑以置爵設御洗於  
午陛東南亞獻終獻之洗於卯陛之南俱北向罍水在  
洗東篚在洗西南肆篚實以巾爵執尊罍篚罍者各位於  
尊罍篚罍之後設玉幣篚於壇上尊姑之所祀日未明

午刻太史令郊社令各服其服升設昊天上帝神坐於壇上北方南向席以藻秸設高祖神堯皇帝神坐於東方西向席以莞設青帝於東陞之北赤帝於南陞之東黃帝於南陞之西白帝於西陞之南黑帝於北陞之西席皆以藻秸設神位各於坐首

省牲器

省牲之日午後十刻去壇二百步所諸衛之屬禁斷行人晡後二刻郊社令帥府史二人及齋郎以尊坩罍洗篚入

設於位

升壇者自東陞

晡後三刻謁者贊引各引祀官公卿以下

俱就東墻門外位諸太祝與廩犧令以牲就腍位謁者引

太常卿贊引引御史入詣壇東陞升視滌濯

凡引導者每曲一邊巡視

濯執尊者皆舉冪告潔

訖引降就省牲位南向立廩犧令少前曰請

省牲退復位太常卿省牲廩犧令又前北面舉手曰臚還

本位諸太祝各循牲一匝西面舉手曰充俱還本位諸太

祝與廩犧令以次牽牲詣厨授太官謁者引光祿卿詣厨

省鼎鑊申視濯溉贊引引御史就省饌具

太常卿以下每事訖各還齋所

祀日未明十五刻太官令帥宰人以鷄刀割牲祝史以豆取毛血各置於饌所遂烹牲

鑾駕出宮

前出宮三日本司宣攝內外各供其職尚舍設行宮於壇東南向隨地之宜守宮設從祀官五品以上次於承天門外東西朝堂如常儀前二日太樂令設宮懸之樂於殿庭如常儀

駕出懸而不作

其日晝漏上水五刻鑾駕發引發引前七

刻挺一鼓為一嚴

三嚴時節前一  
日侍中奏裁

侍中奏開宮殿門及城

門未明五刻槌二鼓為再嚴侍中版奏請中嚴奉禮郎設  
從祀羣官五品以上位文官於東朝堂之前西向武官於  
西朝堂之前東向俱重行北上從祀羣官五以上依時刻  
俱集朝堂次各服其服其六品以下介公鄒公襄聖侯朝  
集使諸方客使等並駕出之日便  
赴祀所司陳大駕鹵簿前二刻槌三鼓為三嚴諸衛之屬

各督其隊與鈸戟以次入陳於殿庭謁者引從祀羣官各  
就朝堂前位諸侍衛之官各服其器服侍中中書令以下  
俱詣西階奉迎侍中負  
寶如式乘黃令進玉輅於太極殿西階之



前南向千牛衛將軍一人執長刀立於前北向黃門侍郎  
一人在侍臣之前贊者二人又在黃門侍郎之前侍中版  
奏外辦太僕卿奮衣而升正立執轡皇帝齋服乘輿以出  
降自西陛稱警蹕如常儀千牛將軍前執轡皇帝升輅太  
僕卿立授綏侍中中書令以下夾侍如常黃門侍郎進當  
鑾駕前跪奏稱黃門侍郎臣某言請鑾駕進發俛伏興退  
復位凡黃門侍郎奏請進鑾駕前跪  
奏稱某官臣某言訖俛伏興鑾駕動又稱警蹕黃  
門侍郎與贊者夾引以出千牛將軍夾輅而趨駕出承天

門至侍臣上馬所黃門侍郎奏稱請鑾駕權停勅侍臣  
上馬侍中前承制退稱制曰可黃門侍郎退稱侍臣上  
馬贊者承傳文武侍臣皆上馬諸侍衛之官各督其屬  
左右翊駕在黃麾內符寶郎奉六寶與殿中監後部從  
在黃鉞內侍中中書令以下夾侍於輅前贊者在供奉  
官人內侍臣上馬畢黃門侍郎奏稱請勅車右升侍中  
前承制退稱制曰可黃門侍郎退復位千牛將軍升訖  
黃門侍郎奏稱請鑾駕進發復位鑾駕動稱警蹕鼓傳

音如常不鳴鼓吹不得諠譁其從祀之官在玄武隊後如  
常儀駕將至諸祀官俱朝服結珮謁者引立於次前重行  
北面西上駕至行宮南門外迴輅南向將軍降立於輅右  
侍中進當鑾駕前跪奏稱侍中臣某言請降輅俛伏興還  
侍位皇帝降輅乘輿入行宮織扇華蓋侍衛警蹕如常儀  
宿衛如式通事舍人各引從祀文武羣官五品以上集行  
宮朝堂前文左武右通事舍人承旨勅羣官等各還次

薦玉帛

祀日未明三刻諸祀官及從祀之官各服其服郊社令良

醢令各帥其屬入實罇罍及玉帛

凡六罇之次太罇為上實以汎齊著罇次之實

以醴齊犧尊次之實以盎齊象尊次之實以醴齊壺尊次之實以沈齊山罍為下實以清酒配帝著尊為上實以汎齊犧尊次之實以醴齊象尊次之實以盎齊五方帝太尊為上實以汎齊著尊次之實以醴齊犧罇次之實以盎齊山罍為下實以清酒五齊之上尊皆實以清酒禮神之玉昊天上帝以四圭有邸青帝以青珪赤帝以赤璋黃帝以黃琮白帝以騶虞黑帝以玄璜上帝配帝之幣各以蒼五方帝之幣並敘其方色各長一丈八尺

太祝以

玉幣置於籩太官令帥進饌者實諸籩豆簋簠等皆設於

饌幔內未明二刻奉禮帥贊者先入就位贊引引御史博

士郊社令諸太祝及令史祝史與執罇罍篚畢者入自東

門當壇南重行北面西上立定奉禮曰再拜贊者承傳

凡奉

禮有司贊者皆承傳

御史以下皆再拜訖執罇罍篚畢者各就位贊

引引御史諸太祝詣壇東陞升行掃除於上令史祝史行

掃除於下訖各引復位未明一刻謁者贊引各引祀官及

從祀羣官客使等俱就門外位太樂令帥工人二舞次入

就位文舞入陳於懸內武舞立於懸南道西

其升壇者皆脫履於下降

納如謁者引司空入就位立定奉禮曰再拜司空再拜訖

謁者引司空詣壇東陞升行掃除於上降行樂懸於下訖  
引各引祀官通事舍人分引從祀羣官客使等次入就位  
初未明三刻諸衛列大駕仗衛陳設如式侍中版奏請中  
嚴乘黃令進玉輅於行宮南門外迴路南向

若行宮去壇稍遠嚴警如

式未明一刻侍中版奏外辦贊明皇帝服袞冕乘輿以出

繖扇華蓋侍衛如常儀

侍中負寶陪從如式

皇帝升輅如初黃門侍

郎奏請鑾駕進發還侍位鑾駕動稱警蹕如常千牛將軍

夾輅而趨

若行宮去壇遠奏升輅如式

駕至大次門外迴輅南向侍中

進當鑾駕前跪奏稱侍中臣某言請降輅俛伏興還侍位

皇帝降輅乘輿之大次繖扇華蓋侍衛如常儀郊社令以祝版進御署訖近臣奉出郊社令受各奠於圯皇帝停大

次半刻頃通事舍人各引從祀文武羣官介公鄒公諸方

容使皆先入就位太常博士引太常卿立於大次門外當

門北向侍中版奏外辦皇帝出次華蓋侍衛如常儀博士

引太常卿太常卿引皇帝

凡太常卿前導皆博士先引

至內墻門外殿

中監進大珪尚衣奉御又以鎮圭授殿中監殿中監受進

皇帝搢大珪執鎮珪華蓋仗衛停於門外禮部尚書近侍

者從入如常皇帝至版位西向立

每立定太常卿與博士退立於左

太常

卿前奏稱請再拜退復位皇帝再拜奉禮曰衆官再拜衆

官在位皆再拜

其先拜者不拜

太常卿前奏有司謹具請行事退

復位協律郎跪俛伏興舉

凡取物者皆跪俛伏而取以興奠物則奠訖俛伏而後興也

鼓祝奏豫和之樂乃以圜鐘為宮黃鐘為角太簇為徵姑

洗為羽作文舞之樂舞六成

圜鐘三奏黃鐘太簇姑洗各一奏

偃麾戛鼓

樂止

凡樂皆協律郎舉麾工鼓祝而後作偃麾戛鼓而後止

太常卿前奏請再拜退



復位皇帝再拜奉禮曰衆官再拜衆官在位者皆再拜諸

太祝取玉幣於篚各立於尊所太常卿引皇帝太和之樂

作

皇帝每行皆作太和之樂

皇帝詣壇升自南陛侍中中書令以下及

左右侍衛量人從升

以下皆如之

皇帝升壇北向立樂止太祝

以玉幣授侍中侍中奉玉幣東向進皇帝搢鎮圭受玉幣

凡受物皆搢鎮圭奠訖執鎮圭俛伏興

登歌作肅和之樂以大吕之均太常

卿引皇帝進北面跪奠於昊天上帝神坐俛伏興太常卿

引皇帝少退北向再拜訖太常卿引立於西方東向配坐

太祝以幣授侍中侍中奉幣北向進皇帝受幣太常卿引  
皇帝進東向跪奠於高祖神堯皇帝神坐前訖俛伏興太  
常卿引皇帝少退東向再拜訖登歌樂止太常卿引皇帝  
樂作皇帝降自南陛還版位西向立樂止初皇帝將奠配  
帝之幣謁者五人各引分獻官奉玉幣跪奠於五方上帝  
之坐訖還復位初衆官拜訖祝史各奉毛血之豆立於門  
外於登歌止祝史奉毛血入各由其陛升詣太祝迎取於  
壇上俱進奠於神坐前詣太祝與祝史退立於罇所

進熟

皇帝既升奠玉幣太官令出帥進饌者奉饌陳于內壝門外謁者引司徒出詣饌所司徒奉昊天上帝之俎初皇帝既至位樂止太官令各引饌入俎初入門奏雍和之樂以黃鐘之均

自後接神之樂皆奏黃鐘

饌至陞樂止祝史俱進

徹毛血之豆降自東陞以出

上帝之饌升自午陞配帝之饌升自卯陞青帝之饌升自寅陞

赤帝之饌升自己陞黃帝之饌升自未陞白帝之饌升自酉陞黑帝之饌升自子陞

諸太祝迎引饌于

壇上各設于神坐前

籩豆蓋幕先徹乃升之籩簋既奠却其蓋于下

設訖謁者

引司徒太官令帥進饌者俱降自東陛以出司徒復位諸太祝各還尊所初壇上設饌訖太常卿引皇帝詣壘洗樂作皇帝至壘洗樂止侍中跪取匱興沃水又侍中跪取盤興承水皇帝盥手黃門侍郎跪取巾于匱興進皇帝悅手訖黃門侍郎受巾跪奠于匱黃門侍郎又取匏爵于匱興進皇帝受爵侍中酌壘水又侍中奉盤皇帝洗爵黃門侍郎又授巾皆如初皇帝拭爵訖侍中奠盤匱黃門侍郎受巾奠于匱皆如常太常卿引皇帝樂作皇帝詣壇升

自南陞訖樂止謁者引司徒升自東陞立于尊所齋郎  
奉俎從升立于司徒之後太常卿引皇帝詣上帝酒尊

所執尊者舉纂侍中贊酌汎齋訖壽和之樂作

皇帝每酌獻及

飲福皆作壽和之樂

太常卿引皇帝進天帝神坐前北向跪奠爵

俛伏興太常卿引皇帝少退北向立樂止太祝持版進  
于神坐之右東向跪讀祝文曰維某年歲次月朔日子  
嗣天子臣某敢昭告于昊天上帝惟神化育羣生財成  
庶品雲雨作施普博無私爰因啟蟄式祈農事敬以玉

帛犧齊絜盛庶品祇事裡祀高祖神堯皇帝配神作主  
尚饗訖興皇帝再拜初讀祝文訖樂作太祝進跪奠版  
于神坐興還尊所皇帝拜訖樂止太常卿引皇帝詣配  
帝酒罇所執尊者舉窳侍中取爵于坫進皇帝受爵侍中贊  
酌汎齊訖樂作太常卿引皇帝進高祖神堯皇帝神坐前東  
向跪奠爵俛伏興太常卿引皇帝少退東向立樂止謁  
者五人各引五方上帝太祝皆取匏爵于坫酌泛齊各  
進奠于其神座前訖還尊所配帝太祝持版進於神座

之左北面跪讀祝文曰維某年歲次月朔日子孝曾孫  
開元神武皇帝臣某敢昭告于高祖神堯皇帝時惟孟  
春敬祈嘉穀用致禋祀于昊天上帝惟高祖獻哲徇齊  
欽明昭格登配之禮肅奉舊章謹以制幣犧齊粢盛庶  
品吉蠲明薦侑神作主尚饗訖興皇帝再拜初讀祝文  
訖樂作太祝進跪奠版于神座興還尊所皇帝再拜訖  
樂止太常卿引皇帝進天帝神座前北向立樂作太祝  
各以爵酌上尊福酒合置一爵一太祝持爵授侍中侍

中受爵西向進皇帝再拜受爵跪祭酒啐酒奠爵俛伏

興太祝各帥齋郎進俎太祝減神前胙肉

皆取前脚第二骨

加

于俎以胙肉共置一俎上太祝持俎以授司徒司徒奉

俎西向進皇帝受以授左右謁者引司徒降復位皇帝

跪取爵遂飲卒爵侍中進受虛爵以授太祝太祝受爵復於

坵皇帝俛伏興再拜樂止太常卿引皇帝樂作皇帝降

自南陛還版位西向立樂止文舞出鼓祝舒和之樂作

出訖戛敔樂止武舞入鼓祝舒和之樂作立定戛敔樂



止初皇帝將復位謁者引太尉詣壘洗手洗匏爵訖  
謁者引太尉自東陞升壇詣天帝著尊所執尊者舉翬  
太尉酌醴齊武舞作謁者引太尉進天帝神坐前北向  
跪奠爵興謁者引太尉少退北向再拜訖謁者引太尉  
詣配帝犧尊所取爵于坫執尊者舉翬太尉酌醴齊謁  
者引太尉進高祖神座前東向跪奠爵興謁者引太尉  
少退東向再拜五方上帝之祝亦各取爵于坫酌醴齊  
訖俱進奠于其神坐前訖還尊所謁者引太尉進天帝

神座前北向立太祝各以爵酌鬯福酒合置一爵一太祝持爵進太尉之右西向立太尉再拜受爵跪祭酒遂飲卒爵太祝進受虛爵復于坫太尉興再拜訖謁者引太尉降復位初太尉獻將畢謁者引光祿卿詣罍洗盥手洗匏爵升酌盞齊獻正坐配坐五帝之祝亦各酌獻終獻如亞獻之儀訖謁者引光祿卿降復位武舞止諸太祝各進跪徹豆興還尊所徹者遵豆各一少移于故處奉禮曰賜昨贊者唱衆官再拜衆官在位者皆再拜已飲福者不拜豫和

之樂作太常卿前奏稱請再拜退復位皇帝再拜奉禮  
曰衆官再拜衆官在位者皆再拜樂一成止太常卿前  
奏請就望燎位太常卿引皇帝樂作皇帝就望燎位南  
向立樂止于羣官將拜上下諸祝各執篚進神坐前取  
玉幣祝版齋郎以俎載牲體稷黍飯及爵酒各由其陛  
壇南行經柴壇西過壇東行自南陛登柴壇以玉幣祝  
版饌物置于柴上戶內奉禮曰可燎東西面各六人以  
炬燎火半柴太常卿前奏禮畢太常卿引皇帝還大次

樂作皇帝出內墻門殿中監前受鎮珪以授尚衣奉御  
殿中監又前受大珪華蓋侍衛如常儀皇帝入次樂止  
謁者贊引各引祀官通事舍人分引從祀羣官諸方客  
使以次出贊引引御史太祝以下俱復執事位立定奉  
禮曰再拜御史以下皆再拜贊引引出工人二舞以次  
出

鑾駕還宮

皇帝既還大次侍中版奏請解嚴

將士不得  
輒離部位

皇帝停大

次一刻項搥一鼓為一嚴轉仗衛於還塗如來儀三刻  
項搥二鼓為再嚴將士布隊仗侍中版奏請中嚴皇帝  
服通天冠絳紗袍諸祀官服朝服五刻項搥三鼓為三  
嚴謁者贊引各引羣官客使序立于大次之前近南文  
武侍臣詣大次奉迎乘黃令進金輅于大次門外南向  
千牛將軍立于輅右侍中版奏外辦太僕卿升執轡皇  
帝乘輿出次繖扇侍衛警蹕如常儀皇帝升輅太僕卿  
立授綏黃門侍郎奏稱請鑾駕進發退復位鑾駕動稱

警蹕如常儀黃門侍郎贊者夾引千牛將軍夾輅而趨至侍臣上馬所黃門侍郎奏稱請鑾駕權停勅侍臣上馬侍中前承制退稱制曰可黃門侍郎退稱侍臣上馬贊者承傳文武侍臣皆上馬畢黃門侍郎奏稱請勅車右升侍中稱制曰可黃門侍郎退復位千牛衛將軍升訖黃門侍郎奏稱請鑾駕進發復位鼓傳音鑾駕動鼓吹振作而還文武羣官皆從如來儀諸方客使便還館駕至承天門外侍臣下馬所鑾駕權停文武侍臣皆下

馬千牛將軍降立于輅右訖鑾駕動千牛將軍夾輅而趨駕入嘉德門太樂令令撞蕤賓之鐘左右五鐘皆應鼓祝奏采茨之樂至太極門戛敔樂止入太極門鼓祝奏太和之樂駕至橫街北當東上閣迴輅南向侍中進當鑾駕前跪奏稱侍中臣某言請降輅俛伏興還侍位皇帝降輅乘輿以入繖扇侍衛警蹕如常儀侍臣從至閣戛敔樂止初文武羣官至東朝堂通事舍人承旨勅羣官並還皇帝既入侍中版奏請解嚴叩鉦將士各還

其所

大唐開元禮卷六



欽定四庫全書

大唐開元禮卷七

唐 蕭嵩等 撰

吉禮

正月祈穀于圓丘有司攝事

齋戒

陳設

省牲器

薦玉帛

進熟

齋戒

前祀七日平明太尉誓百官于尚書省曰正月某日祈穀祀昊天上帝于園丘各揚其職不供其事國有常刑凡預祀之官散齋四日致齋三日

散齋皆于正寢致齋二日于本司一日于

祀所其無本司者則二日于郊社署

散齋理事如舊唯不吊喪問疾不作

樂不判署刑殺文書不行刑罰不預穢惡致齋唯祀事

得行其餘悉禁其祀官已齋而闕者通攝行事諸祀官

致齋之日給酒食及明衣各習禮于齋所光祿卿監取

明水火

太官令取水于陰鑒取火于陽燧火以供爨水以實尊

前祀二日太尉告高

祖神堯皇帝廟如常告之儀

告以配神作主

前祀一日諸衛令

其屬未後一刻各以其方器服守衛壝門

每門二人每隅一人

與

太樂工人俱清齋一宿

### 陳設

前祀三日守宮設祀官公卿以下次于東壝之外道南  
北向以西為上設陳饌慢于內壝東門之外道南北向  
前祀二日太樂令設宮懸之樂于壇南內壝之內東方  
西方磬簾起北鐘簾次之南方北方磬簾起西鐘簾次

之設十二鐃鐘于編懸之間各依辰位樹雷鼓于北懸之內道之左右植建鼓于四隅置祝斂于懸內祝在左斂在右設歌鐘歌磬于壇上近南北向磬簾在西鐘簾在東其匏竹者立于壇下重行北向相對為首

凡懸皆展而編

之諸工人各位于懸後東方西方以北為上南方北方

以西為上右校掃除壇之内外郊社令積柴于燎壇

其壇

于樂懸之南方外壇之內

方一丈高一丈二尺開上南出戶方六尺

前祀一日奉禮郎設祀官公卿位于內壇東門之內道

北執事位於道南每等異位俱重行西面北上設御史位於壇下一位於東南西向一位於西南東向設奉禮位於樂懸東北贊者二人在南差退俱西向又設奉禮贊者位於燎壇東北西向皆北上設協律郎位於壇上南陛之西東向設太樂令位於北懸當壇之間北向設祀官公卿以下門外位皆於東墻之外道南每等異位重行北面西上設牲牓位於東墻之外當門西向蒼牲一居前又青牲一赤牲一黃牲一白牲一元牲一居後又蒼牲一在北少退

設廩犧令位於牲西南祝史陪其後俱北向設諸太祝位於牲東各當牲後祝史陪其後俱西向設太常卿省牲位於牲前近北又設御史位於太常卿之西俱南向設酒尊之位上帝太尊二著尊二犧尊二壺尊二山罍二在壇上東南隅北向象尊二山罍二在壇下南陛之東北向俱西上設配帝著尊二犧尊二象樽二山罍二在壇上於上帝酒尊之東北向西上五方上帝各太尊二著尊二犧尊二山罍二在第一等神坐之左而右向

尊皆加勺罍有坫以置爵

設洗於

壇東南北向壘水在洗東籩在洗西南肆

籩實以巾爵

執尊

壘籩纂者各於尊壘籩纂之後設玉幣籩於壇上下尊  
站之所祀日未明五刻太史令郊社令設昊天上帝神  
坐於壇上北方南向席以橐秸設高祖神堯皇帝神坐  
於東方西向席以莞設青帝神坐於東陞之北赤帝於  
南陞之東黃帝於南陞之西白帝於西陞之南黑帝於  
北陞之西席皆以橐秸設神位各於坐首

省牲器

省牲之日午後十刻去壇二百步所諸衛之屬禁斷行

人晡後二刻郊社令帥府史二人及齋郎以尊坫罍洗

篚畢入設於位

升壇者自東陞

晡後三刻諸太祝與廩犧令以

牲就勝位謁者引太常卿贊引引御史入詣壇東陞升

視滌

凡導引者每曲一遶巡於視濯執尊者皆舉罍告滌

訖引降就省牲位南向

立廩犧令少前曰詣省牲退復位太常卿省牲廩犧令

又前北面舉手曰膺還本位諸太祝各循牲一匝西向

舉手曰充俱還本位諸太祝引廩犧令以次牽牲詣厨



授太官謁者引光祿卿詣厨省鼎鑊申視漑濯贊引引

御史詣厨省饌具

太常卿以下每事訖各還齋所

祀日未明十五刻太

官令帥宰人以鸞刀割牲祝史以豆取毛血各置於饌所遂烹牲

### 薦玉帛

祀日未明三刻諸祀官各服其服郊社令良醢令各

帥其屬入實尊罍及玉幣

凡六尊之次太尊為上實以汎齊者尊次之實以醴

齊犧尊次之實以盞齊象尊次之實以醴齊壺尊次之實以汎齊山罍為下實以清酒配帝著尊為上實

以汎齊犧尊次之實以醴齊象尊次之實以盞齊山  
罍為下實以清酒五方上帝太尊為上實以汎齊若  
尊次之實以醴齊犧尊次之實以盞齊山罍為下實  
以清酒齊皆如明水酒皆如玄酒各實于上尊禮神  
之玉昊天上帝以四圭有邸青帝以青珪赤帝以赤  
璋黃帝以黃琮白帝以騶虞黑帝以元璫天帝配帝  
之幣各以蒼五方上帝之幣各  
效其方色凡幣一丈有八尺 太祝以玉幣置於篚

太官令帥進饌者實諸籩豆簋簠皆設於饌幔內未  
明二刻奉禮帥贊者先入就位贊引引御史博士諸太  
祝史令史祝及與執尊罍篚幕者入自東門當壇南  
重行北面西上立定奉禮曰再拜贊者承傳

凡奉禮有  
詞贊者皆

承傳御史以下皆再拜訖執尊罍篚罍者各就位贊引

引御史詣太祝詣壇東陞升行掃除於下訖引降就

位未明一刻謁者贊引各引祀官俱就門外位太樂

令帥工人二舞次入就位文舞入陳於懸內武舞立於

懸南道西

其升壇者皆脫履於下降納如常

謁者引司空入就位立定

奉禮曰再拜司空再拜訖謁者引司空詣壇東陞升

行掃除于上降行樂懸于下訖引復位初司空行樂

懸謁者贊引各引祀官次入就位立定奉禮曰衆官

再拜衆官在位者皆再拜

其先拜者不拜

謁者進太尉之左

白有司謹具請行事退復位協律郎跪俛伏舉麾

凡取

物者皆跪俛伏而取以興奠物則奠訖俛伏而後興也

鼓枹奏豫和之樂乃以

圜鐘為宮黃鐘為角太簇為徵姑洗為羽作文舞之

舞樂舞六成

圜鐘三奏黃鐘太簇姑洗各一奏

偃麾戛鼓樂止

凡樂皆協

律郎舉麾工鼓枹而後作偃麾戛鼓而後止

奉禮曰衆官再拜衆官在

位者皆再拜太祝取玉帛於籩立於尊所謁者引

太尉詣南陛升壇北向立太祝以玉東向授太尉

太尉受玉登歌作肅和之樂以太呂之均謁者引太尉進北面跪奠於天帝神坐興謁者引太尉少退北面再拜謁者引太尉西面立太祝以幣授太尉太尉奉幣東向跪奠于配帝神坐前俛伏興再拜訖登歌止初太尉將奠幣謁者五人分引五方上帝之太祝各奉玉幣奠于其神坐前訖還復位謁者引太尉降自南陛還本位初衆官拜訖祝史奉毛血之豆立于門外于登歌止祝史奉毛血入各由其陛升詣太祝

迎取于壇上俱進奠于神坐前諸太祝與祝史退立於罇所

進熟

太尉既升奠玉幣太官令帥進饌者奉饌陳于內壝門外謁者引司徒出詣饌所司徒奉天帝之俎諸太祝既

奠毛血太祝官令引饌入俎初入門奏雍和之樂

自後酌獻

皆奏雍和之樂

以黃鍾之均

自後壇下之樂皆奏黃鍾

饌各至陛樂止祝史

俱進跪徹毛血之豆降自東陛以出上帝之饌升自午陛

配帝之饌升自卯陛五方上帝之饌各由其陛諸太祝

迎引于壇上各設于神坐前

籩豆盞畢先徹乃升盞設

設

訖謁者引司徒太官令帥進饌者俱降自東陛以出司

徒復位諸太祝各還尊所謁者引太尉詣壘洗盥手洗

匏爵訖謁者引太尉升自南陛詣天帝酒尊所執尊者

舉畢太尉酌汎齊訖樂作謁者引太尉進天帝神坐前

北面跪奠爵興謁者引太尉少退北面立樂止太祝持

版進于神坐之右東面跪讀祝文曰維某年歲月朔日

子嗣天子臣某謹遣太尉臣名敢昭告于昊天上帝惟神化育羣生財成庶品雲雨作施普博無私爰因啟墊式祈農事敬以玉帛犧齊粢盛庶品備茲裡祀祇薦潔誠高祖神堯皇帝配神作主尚饗訖興太尉再拜初讀祝文訖樂作太祝進跪奠版于神座興還尊所太尉再拜訖樂止謁者引太尉詣配帝酒尊所取爵于拈執尊者舉幕太尉酌汎齊訖樂作謁者引太尉進高祖神堯皇帝神坐前東向跪奠興謁者引太尉少退東向立



樂止謁者五人各引五方上帝太祝就壘洗盥手取匏  
爵于坩酌汎齊各進奠于其神坐前訖還尊所配帝太  
祝持版進于神坐之左北面跪讀祝文曰維某年歲次  
月朔日子孝曾孫開元神武皇帝臣某謹遣太尉封臣  
名敢昭告于高祖神堯皇帝時惟孟春敬祈嘉穀用致  
禋祀于昊天上帝惟高祖獻哲徇齊欽明昭格登配  
之禮肅奉舊章謹以制幣犧齊粢盛庶品吉蠲明薦  
侑神作主尚饗興太尉再拜初讀祝文訖樂作太祝

進跪奠版于神坐興還尊所太尉拜訖樂止謁者引太尉進天帝神坐前北向立太祝各以爵酌壘福酒合置一爵一太祝持爵進太尉之右西向立太尉再拜受受跪祭酒啐酒奠爵俛伏興太祝各帥齋郎進俎太祝減神前胙肉皆取前脚第二骨加于俎以胙肉共置一俎上太祝持俎西向授太尉太尉受以授齋郎太尉跪取爵遂卒爵太祝進受虛爵復于牀太尉俛伏興再拜謁者引太尉降復位文舞出鼓祝作舒和之樂出訖戛鼓

樂止武舞入鼓祝作舒和之樂立定戛鼓樂止初太尉  
將復位謁者引太常卿詣罍洗盥手洗匏爵訖謁者引太  
常卿自東陞升壇詣天帝著尊所執尊者舉簾太常卿  
酌醴齊武舞作謁者引太常卿進天帝神坐前北面跪  
奠爵興謁者引太常卿少退北面再拜訖謁者引太常卿詣  
配帝犧尊所取爵于坵執爵者舉簾太常卿酌醴齊謁者引  
太常卿進高祖神堯皇帝神坐前東向跪奠興謁者引太常  
卿少退東向再拜訖謁者五人引五方上帝之太祝各

詣酒尊所酌醴齊訖俱進奠于神坐訖還尊所謁者引太常卿進天帝神座前北向立太祝各以爵酌壘福酒合置一爵一太祝持爵進太常卿之右西向立太常卿再拜受爵跪祭酒遂飲卒爵太祝進受虛爵復于坵太常卿興再拜謁者引太常卿降復位初太常卿獻將畢謁者引光祿卿詣壘洗盥手洗匏爵升酌盞齊獻正坐配坐及五方上帝終獻如亞獻之儀訖謁者引光祿卿降復位武舞六成樂止諸太祝各進跪徹豆興還尊所徹者蓬豆

各一步移  
于故處

奉禮曰賜胙贊者唱曰衆官再拜衆官在位

者皆再拜

已飲福受胙者不拜

豫和之樂作奉禮曰衆官再拜衆

官在位者皆再拜樂一成止謁者進太尉之左白請就

望燎位謁者引太尉就望燎位南向立于衆官將拜諸


祝史各執篚進神坐取玉幣祝版齋郎以俎載牲體

黍稷飯爵酒各由其陞降壇南行經懸內當柴壇南

東行自南陞登柴壇以玉幣祝版饌物置于柴上戶

內奉禮曰可燎東西面各六人以炬燎火半柴謁者進

太尉之左白禮畢謁者引太尉出又謁者贊引各引祀  
官以次出贊引引御史太祝以下復就執事位立定奉  
禮曰再拜御史以下俱再拜贊引引出工人二舞以次  
出



大唐開元禮卷七